

北图所藏《藏书纪事诗》王国维批语辑录

魏文峰 辑

《藏书纪事诗》六卷，清末叶昌炽撰。北图藏有光绪二十三年江氏湖南使院刻灵鹫阁丛书《藏书纪事诗》，内有王国维的批校手迹，用墨字写成，散见各页（参见吴琦幸《北图所藏〈藏书纪事诗〉和〈语石〉的批注本》，《文献》杂志1987年第1期）。现将王氏眉批辑录于下。

卷 一

“毋昭裔守素”

〔王批〕 毋守素，乃昭裔之子。此以为一人，误甚。刻《文选》者，昭裔，非守素也。昭裔为蜀相，在广政中，其所刻止《文选》。刊九经之说，宋孔平仲虽言之，然即有此刻，亦当在长兴之后。叶诗误甚。又案，《通鉴》系昭裔刻九经事于周广顺三年。

卷 二

“周文襄忱 国朝丁日昌禹生之藏书”

〔王批〕 《仪礼》郑注，辛酉春中丞后人携之上海，乃以明徐刻本伪为者。

“叶文庄盛 元孙恭煥伯寅 七世孙国华白泉”

〔王批〕 叶伯寅（恭煥）刻《清异录》、《云仙散录》，二书皆精。

《蓁竹堂书目》乃后人以《文渊阁书目》伪造者。

余见文庄所藏宋刊《仪礼图》，有“叶盛”、“与中”、“蓁竹堂”、“宋刊奇书”四印。

“安国泰民”

〔王批〕 案，九洲书屋本乃翻安本，非安翻九洲本也。

“丰坊存礼”

〔王批〕 南禺《鲁诗世学》稿本三十六卷，在天一阁，近归乌程蒋氏。

卷 三

“赵宦光凡夫 子均灵均”

〔王批〕 凡夫藏书四部各用一印，曰“吴郡赵颐光家经籍”、“吴郡赵颐光家史志”、“吴郡赵颐光家诸子”、“吴郡赵颐光家艺文”。

“金俊明孝章 子侃亦陶”

〔王批〕 孝章藏《汪水云诗》首有识语云：“壬寅端阳前三日乐饥翁携赠，下有皈章“微管之年”、“不寐道人收藏”二印，又有“俊明之印”、“耿庵”二印。

卷 四

“吕留良庄生 子葆中无党”

〔王批〕 南林蒋氏藏抄本王逢《梧溪集》七卷，卷有“东莱吕氏明农草堂藏书印”、“只拙斋藏书”二印。又藏抄本虞堪《鼓枻稿》六卷，“留”字缺末笔，亦吕无党手抄。有“南阳讲习堂”、“慈云”、“如意”、“瑞轩”、“竹居”五印，皆吕氏藏印也。

“张拱端孟恭”

〔王批〕 上虞罗氏藏孟公所校《世说新语》，卷中藏印甚多，曰“原名拱端、字孟公”、曰“兴机”、曰“逸民佚”、曰“震岩老人”、曰“天累之后”、曰“汉留侯裔”、曰“闲居庵”、曰“烟霞洞天阁章”。

“孙潜卧园”

〔王批〕 傅沅叔藏潜夫校《水经注》残本，有“孙潜之印”、“潜夫千墨舛藏”诸印。有跋，自署“蔚庵”。

卷 五

“黄丕烈绍甫”

〔王批〕 余见复翁有印曰“复旃”。

“袁廷桢又恺 贝庸简香”

〔王批〕 余见简香所藏孙潜夫校《水经注》，有“贝枚”一印。又《徐公文集》有“贝枚”、“平江贝大”二印，是简香一名枚也。

“张燮子和 子蓉 饒芙川 姚畹真”

〔王批〕 案芙川，实子和之孙。此云子，非也。

芙川有印曰“侬小荷花三日生”。又方畹芳女士有一印，曰“侬长荷花三日生”。二印并在一册中。

芙川藏宋刊《仪礼图》后，有“虞山张蓉镜鉴定刻善本”、“虞山张蓉镜芙川印信”、“张伯元别字芙川”、“蓉镜私印”、“蓉镜”、“芙川”、“琴川张氏小瑯嬛福地藏书”诸印。

“何元锡敬祉”

〔王批〕 梦华、涧蘋，皆以贩书为生。盖自何小山以后，风气如比。

“顾广圻涧蘋”

〔王批〕 涧蘋无学识而善骂人，不如堯翁之坦率也。

卷 六

“童珮子鸣”

〔王批〕 余旧藏嘉靖本《草堂诗余》，有三衢童子山刊行图记。子山，殆即子鸣之兄珊之字欤！

辑者工作单位：北京图书馆